



831350

雙白燕堂詩卷四

壬申至戊寅

章佳督部繹堂先生

那後城

展

觀

西旋馳詩奉

迂卽次見寄原韻

千里重關叱馭旋遙瞻天節八星懸家聲藉甚韋平霄
人望依然李郭仙青海遠輸檠木貢黃圖又息塞笳篇
願從蓮嶽探雲海仗策如乘太乙船

文章燕許筆峻嶒相國風流最擅能早見翔鸞書爛漫
日陪驄馬思軒騰臺端劍佩承顏數部下弓衣繡句曾
候吏徧鈔題壁詠籠紗不待木蘭曾

附元作

雙白燕堂詩集卷四

將至青門簡虛舟方伯重訂下榻兼寄虛庵劭文

索和

那彥成

潼關程近又言旋東道重來榻漫懸翠掌翻雲邀玉
女銅盤倒露問金仙傾空北海清尊洒談徹南華秋
水篇酬我塵勞何物是花瓜如斗藕如船
陸郎詞筆本峻嶒愧我荒蕪逮未能消夏胸期同豁
露入秋詩思益飛騰淡雲涼月留應好伏雨闌風歎
已曾鹿鹿車薪成底事笑人徒作打包僧

釋堂先生卽席索詩再疊前韻

篠駝爭擁八騶旋幕府清嚴地望懸獨許黃童稱揖客
端推白傅作詩仙節旄遠挾東來氣篋衍新添北上篇

又喜西園陪曲宴細傾紅浪棹舫船

吐言數百劇峻嶒早識公才備九能花底回尊黃雪滿
竹邊移簟碧霞騰傾談丙夜渾無倦傳句庚郵得未曾
拈出微之舊詩詠金章腰下味如僧

瓶菊

叢叢籬落千回看誰擷繁枝供幽案宿花黃蝶賸徘徊
金翦曉偷秋一半冰紋古養寒玉光巧格位置參差香
屏山十二隔花影不許青女窺秋堂蠻蠟同心照清夕
離離香夢雲霞色待擘朝窻換落英南山一角明金碧
送浦江周鑑湖理問心如自西安之官桂林悵然

有作

雙白燕堂詩集卷四

二

羌管離聲已倦聽條條衰柳短長亭一官塵帽趨蠻府
八月風帆駕洞庭斫地放歌才未減繞牆覓句路曾經
逢高值迴應回首遙指秦雲數客星

奉檄思親定甚歡強題吉語送之官卯君獨客猶多病
謂到雲丙舍新泥尙未乾鑑湖葬親西安薄宦已拚成遠別故鄉

從此是長安相逢車笠知何日出餞青門畧解鞍

林咸甯

廷昌

雨後招賞瓶菊

移芳却趁九秋天自翦霜叢侑客筵握手莫忘今雨後
折腰只合此花前寄從籬下榮何晚容任壺中隱亦仙
瘦影滿襟香滿袖醉來思對碧筒眠

西風簾底賦閒情花亦如人許目成露掌擎回金屋貯

冰心抱比玉壺清偏教和靖憐秋色好爲靈均護夕陰
采擷正須留晚節柴桑舊結歲寒盟

歛程君

邦本小影

入關喜見程少仙持畫索我題新篇聞君昔宿碧溪月
天雞一叫驚清眠狂塵遠墮難回駕腰折眉摧復心下
爲郎未足長卿費入坐防遭灌夫罵虬髯一尺軀三尺
展卷相看便相識新來京兆府中趨舊是孟嘗門下客
從官鵠立高及肩肩底長鬣君來前龍山無風帽先落
是日藩垣公謔君以免冠見斥自惜老禿摩華巔鬚兮鬚兮爾無誤黃
綬青袍豈知數能令公喜令公怒擢汝參軍兼主簿

盛五洲孝廉

思本

過訪攜示王叔明秋窻良話障

子卽題一首

雙白燕堂詩集卷四

三

軒除敞清夏納此南山涼南山雨欲來雲影流蒼蒼流
雲忽挾秋風起明滅煙嵐通畫理願教潑墨點秋山更
寫秋人白雲裏盛生知我耽良話坐我秋窻展秋畫畫
中亦有兩秋人似我于君此遙夜秋心已著溪藤上山
影波光助幽暢驀然一葉翦溪來惜此談深酒醪餉溪
流欲轉柴扉開結宇却傍秋山隈芭苴葉肥竹枝瘦寒
翠競出牆頭來牆頭秋林落如雨槭槭清商兩人語秋
光如此不還山話我塵勞柰何許斯人斯語知誰和百
丈泉聲劃山破別添山寺晚鐘鳴隱隱聲隨暝禽墮我
因良話思良友如畫家山別離久向禽舊約莫差池嶺

上白雲聞此否

筆插

潤挹含毫製最工西河黑水管城通生花似截銀塘藕
植幹誰移玉井桐幸得涵濡從孔氏好將湯沐賜毛公
莫因俯首嘲龍友飲澗還能吐白虹

青門賞菊歌

并序

數年來西安菊花甚盛官閣宴賞以朱虛舟布政盛孟
巖糧儲爲最兩公皆與耀遙同鄉里醉中振觸輒憶故
鄉花事因作長歌兼呈趙青州丈

秋光萬斛落斗城槃敦迭與花司盟我時爛醉衆香國
十千之酒當花傾青門老圃花連陌花似主人迎過客

雙白燕堂詩集卷四

四

邀花就客花不噴客轉作主花爲賓女几山柴桑里壓
擔叢叢白黃紫都人長安作花市侯門侵曉阻當關只
有賣花行不止或投景參軍

梁曾

或從艾司李

聯翰

高

低列膽瓶整斜映髣几一枝兩枝秋可憐瘦影却以香
增妍昨過咸甯展重九林逋親試栽花手

謂林大令延昌

大貯

玉缸小瓷斗儷色選芳無不有琴軒高敞椽燭燒采擷
幾折花前腰稍嫌橫陳滿金屋約束逸士如嬌嬈一壺

亦有長房地

謂費那守潛

籬落能饒野人意却愁雁字生夕

涼妒花青女吹元霜品花誰似東垣好紫雲新苑移根
早我住花叢已四秋每爲秋花玉山倒廣庭百步花百
枝一枝一卮兼一詩傾城酒人爭構思不吟不飲疑花

嗤主人頌花先有辭對花高詠花心知今年花開勝前
度雲布星羅不知數羅含宅畔陶潛籬裝點朱門作蓬
戶護花雅設青綾障一桁筠籬影搖蕩別翻樂府播西
京幾家花史偷新樣糧儲官舍東垣東繞屋亦有花千
叢牆頭過酒召鄰客花徑未入香先通冠山堂對循咳
舍小隔林巒儼如畫緣岡被坂種秋英犖确山蹊出花
罈花溪盤盤屐不停高處萬花園一亭闌干十二花作
欄花迷十色山九形隨花覓路當回汀大槐高柳垂簷
青是時月黑花濛濛花間燭樹光晶瑩上出林杪高建
瓴懸影絡角搖秋星行燈照花花夢醒碧澗映破琉璃
屏長筵促席臨花下西園宜曉東園夜一花一葉總相

雙白燕詩集卷四

五

當不許論花判聲價頗讓東園得地高西園詞客能方
駕日日看花憶故鄉恰聞鄉語話秋堂味蓼軒中留客
轄俯雲樓外載花航軒為故漕督管公舊居樓臨白雲
溪上故布政湯公宅也吾鄉賞菊
之宴兩管甯後藜床破謂漕督族子世
家最盛蔣詡徑無求

仲過

蔣通判
文駢昌

品茶誰復遇洪厓

洪細修
丈亮吉

僕射山人亦長

卧錢山人

幾輩登高落帽人黃花插遍總離羣醅味憶

澆公瑾酒

周孝廉
儀暉

淡香思採季鷹尊張秀
才琦菜莢健會頻

徵逐南山已笑塵顏俗獨抱秋心何處吟倚樓人病思

南菊

冬至後四日虛舟方伯洗兒筵上分詠碧桃花卽

呈長句

彤雲鱗鱗日添線紫薇堂開湯餅宴當筵醉客聞煖香
簇簇桃花映人面今年花時春雪小臘雪未成花更好
一年兩度見花枝差喜肥冬落英少已識公門得氣先
還宜官閣消寒早昔聞此花天上栽和以膏露如瓊玖
三千餘年作花朵一枝一葉經年開頗嗔曼倩好兒戲
摘花上樹能千回西池阿母教移種昨聽叱叱呼龍來
植公中庭作嘉樹玉芽珠顆奇初胎公不見武陵溪天
台洞桃葉桃根未萌動王衡妙術無所施獨以祥和釋
凝凍好爲江淹進一尊請公更聽山桃頰錦幄深深見
絳仙一株持獻玉臺前的應醜面傳佳詠雪白花紅幼
婦篇

雙白燕詩集卷四

六

張武功

樹勳研耕圖

披圖我識張平子儒雅風流信可宗倚馬詞曾傳露布
佩牛俗已化雷封纔題玉版吟箋潤更碾金壺滲墨濃
應被細君嘲夙好幾行書爲計官慵
芾棠陰裏看釵煙研匣隨身吏是仙部有蘇章遺俗好
貧如姚合長官賢縣居卽事詩三十關尹傳經字五千
莫羨季鷹歸思早知君負郭尙無田

環翠軒牡丹盛開鐙下花前憮然有作

衣裏仙雲頰暈潮花箋閒詠思迢迢鼠姑開便攜瓊榼
鳳子尋嫌隔綺寮半醉狂香疑入夢一叢深處最添嬌
須教徧翦銅盤燭高捲紗帷看徹宵

壁月窺簾夜已深相思誰說倚闌心前溪漫作招腰舞
外院微聞擁鼻吟擬借珍叢安枕席好圍香艷上衣襟
自憐歲歲侯門賞參佐橋荒舊圃陰

癸酉十月二日繹堂督部自蘭州統師進勦滑寇
道出西安奉呈二首

節度專征玉帳開旌門長揖見鄒枚佩牛河朔藏苞久
跋馬天西破竹來到日

王師傳露布追風祖武畫雲臺萬言手疏無遺策尙採

書生借箸才公疏平賊十餘
事命爲屬稿

豹畧龍韜杜庫多將星如月秉天戈攝魔弟一阿羅漢

選健當千曳落河謂楊時齋提軍
楊誠村總戎願擲縐頭先部曲待

雙白燕堂詩集卷四

七

研盾鼻學鏡歌從公便橐班生筆表石叵山示不磨

奉陪虛舟中丞餞春城南因至牛頭山寺憇杜工

部祠題壁四首示同遊諸從事

麥塍吹浪碧于川信馬垂鞭穩似船繞郭煙嵐趨下杜

全秦雲樹擁諸天漫攜小榼尋花徑又見征衫墮柳綿

如此春光留不得客中櫻笋是離筵

名藍蕭爽記唐餘滾滾青山石磴紆壓檻紅薔知佛笑

過牆碧篠待人扶偶移禪榻看研茗擬拓經幢教翦蕪

寺有唐乾符六年沙門
詞浩書陀羅尼經石幢我亦年來耽白業暫依雙樹試

跣趺

少陵祠宇傍層峯杜曲桑麻訪舊蹤選竹冷題慚布鼓

隔林清梵動金鏞三唐人物瞻遺像千古風騷仰正宗
差喜蓬門緣客掃舍南舍北任攜筇

接翅嚶鳴集暝禽回看暮靄上遙岑草堂舊雨思前度

曩歲同人杏隴歸雲釀宿陰叢畔正宜開別業塵中難

兩度過此得是閒吟幸陪驄馬多詞客莫誤東州咏鶴林

蠶豆十二韻

纔過櫻筍又蠶忙豆子堆盤憶故鄉舍北半稜分種熟

山南一頃摘新嘗漫因讀雅疑戎菽絕愛綠塍蔭女桑

薦共馬蘭充蔬飭翦和燕麥滿筠筐離離未假藤棚護

采采頻教竹斗量酒簪正開趨晚日鹽花勻糝點輕霜

幾莖碧嫩然其煮兩瓣青圓破莢香隴畔餉呼牛背客

雙白燕堂詩集卷四

八

箔邊持供馬頭娘家園清味餐難得旅館閒情種有方

酥軟可宜詩老饌裹儲聊作腐儒糧邵平瓜圃應多隙

杜曲麻田未肯荒合與梁家椎髻婦共拈翠角話藜床

都拜按察蓮龕先生繼昌與幕府諸君藥闌讌集

以詩索和卽次原韻

花情珍重幾詞人傍砌翻階賞更新選宴正思添過客

謂童叟補題恰似殿餘春黃荃粉本描婪尾白傅酣吟

君親觀察寫幻身我亦青衫舊書記細修芳譜話香塵

欲翦紅綃寄所思琉璃葉上試題詩相逢只合憐消瘦

有贈惟應管別離錦幄西施藏艷早玉盤東武餞春遲

綠雲委地人來暮惆悵闌干咏玉姿

休甯汪雲莊蕙生入關出示勞勞詩草一卷卽其

紀行作也題四十字歸之

黃山碧溪月流影入長安客有山中憶詩宜用裏看少年輕遠道秀句抵加餐此地吟壇寂多君卸馬鞍

虛舟中丞招同蓮龕廉訪鐵菴觀察蘇昌阿王寶山

刺史金華方六琴大令傅思小方壺賞雨卽席分

體賦詩得七言轉韻二首翼日曉霽復成一首

方壺水軒雲氣滿軒影欲隨波影轉筠簾四卷當風開颯颯白雨跳珠來待來不來聲滿竹萬葉涼陰已如沐東樓聳首看天瓢澗展酒場招杜牧

杜牧昔作大兩行卷海直上天中央中丞請天得甘雨

雙白燕詩集卷四

九

召客賞雨吟蒼茫洗兵已見春膏灑又喜迎梅澗平野遙知澗水向田分隱隱村歌走秧馬

清宵話雨燦燭燒官閣如舫鳴秋濤巖泉潺潺小池長白蘋花罽宋閑橋對橋曙影明霞起殘點疎疎曉林裏忽憶東頭竹篠深綠陰門巷涼於水

題周廿八翁世維山水便面

我愛先生筆清能寫玉岑春風開便面秋雨寄遙心泉向白雲落家藏碧樹陰舊山招隱好歸杖覓寒林

雞缸十四韻同蓮龕文宋于廷表弟翔鳳作

誰訪雞彝製嘉名記此缸尊巒河朔飲風物汝南邦讀畫杯傾百題膠管下雙翎毛傳粉本風雨酌寒窻茅店

簪初盞花發距忽躡月邀飛羽翠潮候倒罇淙近局疎
更報盟壇接座隴談真詞客助鬪欲酒兵降香舌調瓊
液雄心對玉釭典籌煩絳幘佑暉唱紅腔筆妙留深盞
垣棲憶短檣寫生呼芻芻卜夜舞幢幢景德陶堪祕宣
和斗莫撞衢尊圖待餉撫字

聖恩龐

題于廷城南燈火圖卽以誌別

煙月冥濛巷秋燈伴著書江關通昔夢京國賦閒居結
客年非少談經跡漸疎畫圖泥雪印惆悵鳳城隅
未踏春明路浮沉愧浪遊流光憐刻燭別語記更籌北
道門應熟謂叔父祁生先生東山墅可求謂舅氏珍藝先生何時同卜

雙白燕堂詩集卷四

十

築雲水狎盟鷗

題味辛先生病肘倚枯榻圖卷卽送東歸次原韻
五首

丈人撫圖卷索句屢傳命圖中何所託維摩偶示病題
詩記歲月因之感衰盛扶侍同客中鄉語喜垂聽卽今
長安道才少比前更弗問靈氣奪弗求扁鵲鏡賤子詹
詹言爲公發詮證

東南主壇坫誰可致不朽先生備文行學博記非醜十
年西省卽一麾出齊右經術飾吏治愉愉遍童叟自公
宦情薄官職豈公負旣謝綰符榮還期著書壽懷疴述
作勤誰能掣偏肘

列子乘風行冷然忘所倚何必外形骸觀生悟無始風
灾起微末四禪方免此公今掉文鞅援枹并鞭弭卽非
腰脚輕雄心尙能爾棲神返家荷貞疾恒不死鱸魚秋
正肥清江樣舟俟

南溪老詞客北溪舊酒徒結廬共溪上分茲雲水區往

悲徵君逝近惜監司徂年來莊達甫師及君家李君墓

松拱元相池竹枯樂天暖寒飲誰與園塹鑪出門復入

門感舊心縈紆惟遲漆園叟歸補香山圖時虛菴莊丈亦將東歸

入關贊戎幕三度九伏臘磨盾書檄煩題襟結交雜幸

公絳幄開堂階日登踏詩禮聞過庭壘箎喜聯榻謂公及從弟

鍾彥常取客轄投奚止朋簪盍三日未過從離懷已

雙白燕詩集卷

蕭颯公歸我羈滯何時其酬答

十月朔日虛舟中丞招餞虛菴味辛兩丈卽席分

韻得東字

其約還山馬首東華堂行餞看驚鴻可堪別思三秋盡
難得鄉音四座同老輩詠諧參掌故此邦豐樂見虜公
客星小聚依卿月併作光芒丈室中

味辛先生行有日矣偕虛菴先生過近林精舍話

別因畱小飲與令弟庶常鍾彥公子以今日良

宴會分韻得良字惜別抒懷成五十六韻

入冬已旬日日良月亦良夫子久客授引疾思還鄉地

主知公歸三月爲聚糧親交惜公去一月傾離觴復有

漆園叟待公華山旁聞公樂水涉改道由洵陽叟也念

遠別慨然賦河梁枉駕從東來二老相扶將公言未弱

冠結客少年場高視少所可心折推蒙莊小時習相近

中歲遙相望晚益悵離索行坐殊俛偃抽簪不相盍掃

徑無求羊因之向西笑願得遊同方前年過潼關子舍

羅酒漿味辛丈以壬申四月入關去年客渭涘相約尋

劉綱圍鑪翦官燭守歲聯匡床兩丈會同至劉春浦渭南官舍度歲復此

遠相送深感故意長既羨腰脚健亦較文力強將行未

行客來往同褰裳于時黃鞞華繁枝傲嚴霜南中蟹螯

到郭索膏盈筐開府辦豐膳嘉樂崇牙張謂朱虛舟中丞羣公

啟賓閣設醴凝清香謂周衣谷方松榮諸觀察昨日灌花園高晴江別墅

雙白燕壽集卷四

明晨添竹堂費歐餘太守行館斗城見人瑞擁觀如堵牆占當

應列宿角亢兼文昌連宵德星聚作作搖精芒頗煩籃

輿舁奔走弟子行我從二老遊侍食兼趨蹌文壇聽高

詠旗鼓還相當喜我張其軍偏裨亦泔泔何當謝塵冗

話別傾中腸遂與長者期操杖攜詩囊已見漆園騎先

繫門前柳升階踐隅席奉手喜欲狂皆言後來秀可語

惟陸郎僮僕知交期已出斗酒藏熊蹯方孰許得異

味嘗難弟有惠連夢草吟池塘元方執榼來玉樹生輝

光飲酣各拈韻奮筆何軒昂此夕足可惜此會安可常

此別已可悲此意詎可忘校年父之執訪德師之臧何

敢恃謙尊結交攀老蒼送公琴鶴歸莊丈亦嚴裝錄錄

吳下蒙歧路留徬徨懷安悔三宿戀此浮屠柔同住不
同歸別淚空浪浪公命授末簡刺刺不成章公命奏長
謠調苦聲不揚題詩起三歎涼月流中唐離情深復深
秦川逝洋洋弗煩結之陳勿倩玲瓏商誰當知此曲付
與踏歌汪芸卿侍史汪姓也先生卽席有詩云
泥有桃花潭情深非衆匹故及之

白菊

雁風吹墮玉參差冉冉寒英淡淡姿乍撲霜華青女護
小團月魄素娥移記屏詩句清芬在入畫秋容本色宜
最憶夢中雲一朶許飛瓊駕羽籬礎

接籬欵側袷衣輕送酒芳叢弄影行露掌擎來瓊液滿
冰心抱比玉壺清可能縞袖攜秋蕊好與精盤薦夕英

雙白燕詩集卷四

十一

我亦松陵舊詞客吳縑如雪賦初成

汪少尹義母夫人課孫小影

捧檄娛親意登堂拜母交傳經知孟博焚研愧君苗采
菽兒能荷哦松婦漫嘲愛他雛鳳小早與定書巢

會從仙掌看親舍白雲中曩爲題陟華
看雲卷子玉樹當扶杖膏
藥記折蓼新桐多挺拔慈竹蔭丰茸願侍宣文幔聽經

共阿戎

次朱季醅基純見贈原韻時出示洛陽懷古詩及

樂府數種皆行篋新稿也

阮家樓館謝家池政事文章我並知季醅爲虛舟
中丞從子更喜
桐陰聽小鳳清聲齊上最高枝

題陳凝之少尹藥生小像

東鄰太邱長入關日追隨胡此遠行役採藥春山陂得
身自有要壽世亦有宜就我展圖引索我為詮辭夙聞
煙霞癖善葆金石姿養生貴卻疾養親貴知醫上藥命
所託中藥性所移茹蕙露菲郁林蘭雪揚猗願君斂芳
潔願君愛華滋昔我涉西泠逢君聖湖湄乍捧毛義檄
旋拂陶潛衣榻來向西笑入籠何紛披朝舉華嶽蓮暮
擷商山芝或從韓康買或自秦和貽持歸奉西母大壽
踰期頤液飲葛洪婦散起嵇含兒餘丹及鄉里少長皆
安期牆頭過一囊益我崇藥宿

蕭寺晨鐘圖為沈禮田大令

敝居崇百藥齋
與凝之對字
并序

雙白燕壽集卷

古

大令幼從贈君冰壺丈客西安贈君歸老大令復入青
門皆寓白衣菴僧舍後大令以軍功留陝西歷宰蓋屋
臨潼贈君已不逮祿養大令每過菴舍輒泫然不能自
任爰作此圖以寄永慕

鴻爪泥痕印最明木蘭院裏舊題名壯遊每憶趨庭樂
潔養仍為負米行官是帳前磨盾客吏知關下棄繻生
獨驚卅載思親夢初地清鐘第一聲

沈大令恒州迎養圖

并序

嘉慶十五年春大令補蓋屋為古恒州地奉太夫人板
輿以行越三年以憂去職服闋補臨潼追思圖此
毛生捧檄樂無比白傅除官亦自喜古人豈屑戀升斗

祿可娛親爲親起東陽賢尹世所欽賢尹夙承慈澤深
得看鳧鳥行春脚已碎熊丸課夜心恒州栽遍花無數
板輿昨駐栽花路重重桃柳間桑麻護此陔南萱一樹
最羨調蘭樂事偏平反勤問政無讐民言吾侯衆人母
衆母之母成侯賢春暉報答猶能及補圖往事何纖悉
祇惜年來寸草心丹青縱好難描出此日分符傍芷陽
又傳考績最循良顯親不啻親常在添寫團輿蔽芾棠
禮田得子題句泣述清芬及所以養志者至悉終
身之慕見於情辭感而系詩續書卷後

雙白燕詩集卷四

發深省心警不成寐攬衣起屏息多恐覺親睡汎拚始
席前室堂及庭內後親日出作進盥復饌饋琴書旣修
潔芟棗必儲備侍幕幾十年渾忘客異地豈無富人子
珍羞廣羅致儀節較此繁性情較此僞豈無餅罄時典
質贖經笥惟耽菽水歡不識米薪累親倦懷江鄉從親
整歸轡長安居已難家居更不易家無養親費辭親策
征騎重來寺依然此身悲獨寄衰親倚望頻遊子夢魂
悵晨昏隔十年專城作循吏傳食宜鳴鐘鐘聲今昔異
疇知今日安不及昔時頌疇知今列鼎不及昔蔬食風
樹有餘感白雲恐決背養親願已違思親淚難制籠紗
手澤存摩挲爲君識

右寺鐘圖

沈侯古良吏分符歷關右所至幸先睹懃懃額加手去
後嘗見思循聲在人口昔侯宰恒州考績惜未久恒州
被豐澤十千歲其有匪直侯之臧輿歌徧童叟即今頌
平反津津述賢母

母初莅官舍條風送安輿十行接花柳一道披槐榆惟
時足甘雨平疇水盈渠好景如江鄉頗覺慈顏娛母復
問蠶織教以治緡纒分母手中線散之成袴襦春暉良
足愛愛此奉親圖

樂天除戶曹題詩色然喜喜親逮祿養感恩非為已圖
中寸草心欣榮亦蕤蕤竭來領赤望新豐近百里繡嶺

雙白燕堂詩集卷四

十一

落湯泉名邦美無比椎牛具豐腆何如潔甘髓勗哉奉
慈訓修名保終始

右迎養圖

戊寅五月東歸過新安磁澗堡見江甯汪平甫
題壁詩因次其韻

山雲亦趁馬蹄忙蕤澗頻頻渡野塘打麥天晴風太暖
踏槐人倦日偏長兒因捧檄催征轡循應勾當公事得
發先客喜題名拂壞牆似此經行曾六度爭教不減少年

狂予自丙寅入關六次
往返皆取道於此

附循應次韻

勞薪歷碌敢辭忙飲馬年年過石塘乍喜導輿鄉路

近又催隨檄驛程長關心幾處隣遊宦時仲弟誠應選平鄉典史提耳連朝聽負牆一語寫紳和淚記不容小吏更清狂

附循應婦莊次韻

歸期樓指過蠶忙閣閣蛙聲半畝塘反哺雛烏巢未

定試飛乳燕翦纔長鬱林裝重千金石歸裝有隋唐碑碣蹊

樹連陰數仞牆逢錦逢慶頤諸弟容最羨候門諸

弟妹琴書爭捧喜應狂

吳門見楊伯厚大埔以手錄家叔父詩冊見示戴

九煙爲作吳門寫詩圖卽題卷末

小別重逢喜欲狂市簫聲裏寫詩忙可應校韻存初本

雙白燕堂詩集卷

七

差勝傭書問幾行吟社舊曾誇綵筆選樓從此話金閨

附傳家集原吾幸祇惜愬愬負錦囊

己卯十月九日將赴關中趙味辛丈餞余於施有

堂時菊花盛開因招張麗坡游戎殿華王茂園通

守慶椿及里中耆舊作展重陽會同人圖詠紀事

爰成二詩

花幸開遲客去遲餐英重泛酌花后德星輝映推前輩

旬月招邀肯後期插帽茱萸芳節例堆盤橙橘故鄉思

畫圖寫得離情否背指籬東放棹時

叢畔分題咏別愁昔公遊處我重遊近林精舍味辛丈主講關

中所頻開徑添竹閒庭費糧備記饒秋健會趁開花笑

別墅

口冷香賞到月當頭便應九九消寒集只我衝寒去未
休

丹陽舟次爲麗坡游戎題畫

分題東閣記招邀今歲看花奈寂寥安得吟箋頻寄與
隴頭春遠夢迢迢
征鴻嘹唳晚砧清風緊霜濃送遠行同是羈人聽不得
柝聲纔斷又雞聲

雙白燕堂詩卷第五

己卯至辛巳

武進陸燿燾劭文

夜發月河口

百里經旬過初程且漫催客愁寒月墮人語夜潮來出
開檣帆捷浮楂島嶼開微茫戍樓火臨發首頻回

從姊

嗟予寡兄弟從姊最關情少小事堪憶艱難淚共傾孤
甥吾半子弱息正同庚他日成秦贅相攜慰向平

孤姪

孤姪猶吾子提攜已廿年成人男有室將母士無田阡
壠勤新築楹書守舊編此行非得已勞汝望歸鞭

雙白燕堂詩集卷五

過滁州

滁州城門闔堪數繞城西行月剛午籠鞭復袖寒不禁
衣上霜濃落如雨居人未起客早行居人禱雪客喜晴
不辭衝寒復侵曉差免泥淨還宵征宵征絕憶前年夏
星斗寥寥出城下藕花風定鷺鷥明白影窺人見遙夜
勞勞客路無寒暑長作游民究何補詩成初日升堞樓
駐馬驛亭乾鵲語

曉發定遠遇雪

原西荒村夜無月客子閉門風轉急篝燈燼落窻作明
凍啞渾疑曉雞螯攬衣挽策方啟行探路騎奴還報雪
紅心驛前深一尺赤闌橋平沒行跡

庚辰早春集孫于丕大令懷遠官舍同薛畫水司
馬玉堂周伯恬孝廉次許叔翹秀才所望元日見

示詩韻卽以志別

三宿依然戀古桑繞庭花竹勿教傷放晴景駐滄涼日
獻歲圖研紺碧霜井墻投多喧櫪馬山厨開趁束修羊

伯恬時主
眞儒講席

青春作伴人偏去祇覺平阿似故鄉

置驛花間能愛客草堂高會帶春星冰融淮泗交流白
雪霽荆塗各送青難得同舟逢李郭直疑隱几對譚邢
盟鷗馴鹿休騰笑約共搴蓴斲木茶

疊前韻呈于丕

三百梅花八百桑團蕉如就去何傷翠屏冷豔窻含雪

雙白燕堂詩集卷五

二

素壁雄鳴劍有霜幾輩高文敷班馬此邦同徑得求羊

謂許叔翹林
念航諸子

快譚且盡宜春酒未許閒愁入醉鄉

雲漿勸客延宵月雪澤催耕戴曉星何似初衣蘿帶綠
共尋冷巷苧帘青閒情選韻題温李小學求蒙辨賈邢
自信養生非大藥入山甯必爲芝苓

林念航司馬

晉奎

贈詩再疊前韻奉答

百里春風遍梓桑分餐猶復視如傷懷遠大水于丕與
諸薦紳爲食振饑

念航董
其事

揚舠偶載波中月授簡爭傳字裏霜念航新著
平阿三忠

傳黃石齋先
生孝經跋

沙靜漸聞安澤雁澗清無敢飲朝羊頌聲

何止黎侯愛薰德如君善一鄉

十載黔陽舊司馬歸田忽作少微星時糲早薄臨眉黛

古義眞能補汗青倦客佩囊慚入洛故人移榻抵遷邢
梅邊和靖如相憶好擘銀箋詠隰苓

許叔翹說劍圖

先生好論劍請爲說劍器葛盧焰初發桃氏制乃備銷
陰以鍊陽伺天而候地采材赤堇良躍冶洪鈞闕名都
封不敵神駿價難畀服之志四方回慝默逃避豈繫却
外務亦旣釋內壘亭亭芙蓉花光采耀靈異笑彼石上
松倘悅陟幽祕風雲會有時感激詎無意刻畫水波文
拂拭春坊字還當掄光耀且復斂犀利卽今平泰階神
芝瑞方記于金萬歲辭班象有深義豐埋已爲福延化
祇成戲相逢讀圖畫雄心惜還棄豪客揮手行佳人展
顏侍蒼莽徒爾爲嫵媚亦多致碧雲悵何及歲暮涼風
至會從王子喬日問神仙事

障子

泗上從君主槃敦君時壯遊我貧贅復同挂席趨饒州
我病先返君猶留廿年十見九離別熊耳山前最堪憶
從此相望又十年君得專城我投筆投筆無成返敝廬
專城落莫水鄉居衝寒仍就陶潛乞拯溺煩繙鄭俠圖
燈前話舊顛毛白意氣摧頽亦非昔一別茫茫祇淚垂
萬感恩恩益心折知君夙勉爲良吏率意孤行已遭忌
但得優賢俗易醕未能獲上民難治來日甯知田舍求

看雲肯忘門閭倚君正懷歸我更行津梁疲甚駐初程
披圖略記臨歧語遲我南湖共濯纓

汴城上巳作

夷門花柳又經過七度斑駁感逝波接水曙雲浮白塔
入城秋雨漲黃河宣防使節占星聚詞賦名園見雪多
差喜此行風日好禊潭祖席一微歌

偃師道中

嚴關乍轉下坡陀却喜征衫浣洛波乳鵲試飛新綠滿
衙蜂爭放落紅多上頭曉唱雞登屋沒膝春流馬渡河
何日來尋武居士小谷徧翻金石一摩挲

白洛陽至新安小雨磁澗店午餐題壁

雙白燕書集卷五

四

水雲波鱗鱗山雲石齒齒水雲欲浮山山雲欲沈水朝
陽無輝接雲起雲際濛濛雨不止麴塵透泥宿麥滋十
里五里飄絲絲萬絲總向車簾織細響微聞著油壁作
意東風護客行不教撲面沾衣溼遙村幾簇迷山霧撥
霧條條認官路長楸高柳暗郵亭瞥見白桃明一樹樹
中茅屋雨中山山店春陰酒旆閒遮到壩邊呼下馬午
雞啼過客應餐

渡洛水

西澗東澗接洛河殺函劃處下平坡源從熊耳來何急
渡出羊腸折漸多飛瀑激回應轉石弄珠遊罷見凌波
若教飲馬行逾駛試解鞍韉步淺莎

山花

冥濛雨欲晴愛此春山行山風吹香花不見馬上時時
墮花片偶隨山蝶出花前却訊花名不能辨結鄰小傍
春山麓山缺花紅麥低綠鑿坏深處隱藤蘿一頃菜花
黃上屋

三月十五日破石驛見鄭蔭山少尹 大榕 及汪平

甫題壁詩次韻各寄一首

勞勞送行處長板白門橋兩世交期重三春別緒遙望
雲思捧檄賞雨憶題瓢遲爾舒青眼秦川萬柳條
響書紅杏館欹枕綠楊橋已識征塵誤誰憐去夢遙爪
痕畱壞壁心印寄團瓢今夜離亭燭因君刻幾條

雙白燕堂詩集卷五

五

渡恒農澗由函谷關至稠桑鎮

亂雲圍碧嶂驀馬澗西來谷口九泥隘巖腰閣道回梁
低春漲滿崖斷夕陽開絕愛村名好林陰坐莫催

西行雜詩 余自嘉慶丙寅至庚辰十五年入關四度卽景摠懷輒成斷句語非一致題

以雜詩云爾

昔遊如夢復如塵十五年來迹易陳賸有柱心題句在
浪傳江左舊詞人

載將塵具遠移家送出京江路忽又道蘊牽衣阿咸泣

過船一步卽天涯 叔父赴合肥學任送至江甯

親交幾輩話芳尊山縣殘年雪掩門說著壻鄉應腹痛

祭詩筵上爲招魂 與畫水伯恬暨從子恩應嘉應守歲懷遠因憶三十年前莊傳承就昏於

此同爲
慨然

競題吉語散人懷湯餅欣傳下馬杯笑我有家歸未得

却從客裏抱孫來過兒子循應祥符寓合

團蕉百里似連營三月宣房費水衡多少詞人趨鄴工

預湔絲筆頌河清河決武陟馬營壩循應隨傲襄事子起工次因陪唐叔平趙林一蔣小

管孝逸呂華南洪均甫吳碩甫諸子

已比江鄉土脈深井闌百尺轆轤繩投錢飲馬風原

清絕山家似水心

如水濃陰綠到門鉞箏低語月黃昏一盤數徧雙紅豆

直把相思號此村閩鄉西盤豆嶺

馬前乍見一勾新看到中旬更下旬昨愛晚行今早起

雙白燕詩集卷五

是人隨月月隨人發廿二日抵西安

一峯欲雨一峯晴閣住斜陽雨不成養麥養花天正好

最無塵處玉驄行

雲隨花缺補春山山外畦分水一灣騎馬乘船都已慣

鞭絲不似釣絲閒

曙光倒影雨瀟瀟山麓山巔十里遙一騎直從雲際下

錯驚行客挈天瓢

山丹初放麥初齊蘆箔搖搖燕子低閒與酒胡題扇角

筆床移過避芹泥

鶯花昔昔夢江南官柳條條折未堪聽徧旗亭新樂府

誰偷點拍付何哉

入關作

又勞關尹候殺函陳迹團團馬亦諳乍喜狂瀾回下北
非因捷徑問中南雲如殘夢還堪續山似良朋不厭探
最是灞橋橋畔柳舊曾折處儘慘

禮田大令投詩索和次韻答之

芷陽東去紀班荆又喜題襟慰別情容我狂宜花滿屋
似君清到月三更最難愛客多豪翰差苦催詩比課程
脫略不知誰是主相過無送亦無迎禮田自臨潼移治
咸甯館子於廡西

之友軒
遲月軒

情愔琴思鎖清幽許我眠琴掃榻留別翦徑莎開射圃
戲栽窻竹製觥籌玉臺新詠生綃畫工夫亦
六法金簡奇文

雙白燕詩集卷五

七

寶墨鈎禮田嗜古皮藏
金石拓本甚富沈陸由來擅聲韻芳華持贈愧
難酬

附原作

沈琮禮田

十二年前早識荆紫薇庭院共閒情尋春每趁花三
月問字常忘漏五更驪麓雲深開祖席龍山雪霽計
郵程徵書又促文軒至幾輩公卿擁簪迎

小葺官齋傍竹幽先生愛竹許勾留盤飧俸薄無兼
味詩律才疏遜百籌釀就綠醪盈玉盞移來紅藥上
簾鉤官情久淡無他好惟喜偷閒得唱酬

雁字陰疏蛩籬豔冷幾枝開趁重陽佳種移來為他
高陽臺題張船山侍御簪菊圖

學翠分黃經年芳譜辛勤甚倚斜風花笑人忙是誰
行管領秋容擔荷秋光陶家杖屨應相識記隨肩

初月點鬢新霜似上籃輿任教舁過柴桑松篁莫更
題南菊料鴉鋤解憶蕁鄉謝筠筐閒伴清尊采擷升

堂

笠畊按察賦良自陝西移任河南展覲北上行

次絳州郵詩惜別感其知厚次韻奉酬兼以莊甥

楚柵載公後車兒子循應為公屬吏抒懷迭和不

自知其刺刺也

從遊千里幸登龍小草兼收藥籠中雁外荻花如雪白
馬前榭葉撲霜紅自來寒士因人熱絕憶孤甥似舅窮

雙白燕詩集卷五

八

朱雀橋東最荒墅何時葺竹補茅篷

青牛十載滯猶龍訪古榆中更柳中名士頭顱成半白

秀才詩句陋三紅敢矜入幕虛聲早誰解趨衙小吏窮

題板幸公憐稚子好容退叟製歸篷

江甯高晴江處士大赫客西安者十九年籌核軍

儲頗著勞勤事竣後灌園治產結客傾財今以遊

倦思還就其子江西縣丞學易之養撫時感舊詩

以送之

憶昨潢池沸徵書火急催旌門延上客籌筆倚通才飛

羽儲胥集傳烽成障開銀河向身瀉幾費水衡財

露布馳三輔

天章下

九宸人多策高足公祇乞閒身檄草爭傳錄簷花幸卜
鄰停雲成小築不事情嘉賓

青門種瓜地紅埠灌花園磨盾留殘墨籠紗滿繚垣列
窻山引岫穿砌水通源觴詠朋簪盍微嫌櫪馬喧
南浦看迎養西江詎舊遊雲閒陶令宅月滿庾公樓丞
豈負斯立卿能慰太邱題春應有句寄我隴山頭

青門別緒

晚來酥雨曉來晴拂面東風逐客行最是柳絲禁不得
萬條西向似離情

乘車戴笠豈同科帳飲郊垆擁玉珂尚有綈袍人一輩

雙白燕堂詩集卷五

九

河梁回首別情多

雙輪碌碌出秦關烏爲移巢倦未還十六年來看不厭
中南清切似家山

回首猶憐清渭濱白鷗浩蕩竟難馴便畱新句人休誦
我已儒冠誤此身

二月廿九日偕沈平定

孫遊華山自玉泉歷桃林

娑羅青柯諸坪憊極而止沈與還虛練師上躋絕
頂是月張華陰履程亦嘗攜客登陟予獨愧無濟

勝之具詩以解嘲

道光紀元載春半華山行言從玉泉院直達青柯坪奇
峯列午午巨石橫庚庚重巖複嶂瀑千派春雪釋向春

山傾簾珠帶練落天半接耳悉是飛泉聲循泉躡磴徑
如綫愈轉愈仄蹤難停回崖離立勢欲合天門一竇如
堅城丸泥倘塞此其隘石戶可作桃源氓祇圍荒蕪失
雙樹惜哉空有娑羅名盤盤山梯十八折一折百級谿
縱橫輿丁喘急不能上自試腰脚猿猴爭山靈知我善
刻削愁我深入揮心兵柯陰乍憩引仙夢恍有玉女雲
輶迎仙幢百尺峽千尺樵斧忽入聲丁丁鐵繩金鎖界
絕壁一道竟削天梯成元關或遣白鹿守翠嶂或叱青
牛耕石蓮亭亭發瑤井下蒔碧藕雲根平天池清淺擬
蹇摘已倩仙掌來高擎危峯插天鳥無路足底時有孤
鴻鳴枯筇九節不須拄兩腋習習天風清夢遊方酣醒

雙白燕詩集卷五

十

遊隔巖影側墮斜暉明同遊仙吏步彌健著鞭不顧蒼
龍驚東峯西峯隱層靄令我中道心怛怛愛山不肯背
山出卅里倒載籃輓輕題詩上擲博天笑險語呼吸通
青冥後沈約前張衡重遊從爾咨山程公等遊記宜吾
評筆補靈境言非僞讀此慎勿嘲狂生

寄沈平定西峯絕頂

玉羊金虎鎮靈壇絕巘天門闢一丸未敢大言驚李靖
豈容甘寢誤陳搏峯垂蓮萼星堪摘路入桃林磴已盤
山下白雲山上雪蘿衣溼翠不禁寒
天梯直上俛羣埃探勝真須濟勝才夜宿高峯雲卧冷
曉參靈觀日華催詩從玉女衣襟寫身自金仙掌握來

我恐山神畏狂簡茅龍乍叱已驅回

玉泉院題壁

飛泉激寒玉十里聲潺潺沿泉植修竹竹裏軒楹環林
亭列高下曲折隨奔湍豈不憚聒耳此響非塵寰豈不
畏寒冽此影清塵顏可濯復可飲一勺涵川淵濯者引
其流飲者通其源源高落仙掌珠露傾瑤盤散作百千
派冷冷白雲端泉其繞仙麓浸彼青琅玕毋令出山濁
泥礫滋漫漫後我謝氛埃來此弄淪漣寄言枕流子冥
冥守元關

石槎

花谿達仙源薛磴記仙跡知有捕魚人舍舟從此入百

雙白燕詩集卷五

七

年舟作槎千年槎作石槎枯石爛津忽通客星來自銀
河東玉女兩槩乘天風雲海采摘青芙蓉

玉泉十里至桃林坪故無桃不知何以得名也
險如桃林塞僻若桃花源緣溪十里已林盡宜有花片
流人間況當三月足春霧洞口千葉春爭妍我來不見
一株發趺坐坪草空芊絳種桃道士顧我笑客到未及
三千年

青柯坪下山悵然有作

一徑柯坪欵石扉碧雲漠漠溼行衣長鑱便擬求黃獨
老屋惟應結翠微久憊津梁難濟勝欲盟猿鶴愧忘機
向禽舊約蹉跎甚遙禮天關謝玉妃

玉泉感舊

并序

癸酉歲錢唐汪藕塘漣宰華陰館莊虛菴丈於玉泉極一時文讌之盛今皆下世為之慨然

洗研題詩展暫停薦蓀重煮玉泠冷情如潭水深難別賞抵濠梁夢易醒涉嶺向尋谿口路愛山曾拓水心亭莊周老去汪倫逝嗚咽春泉未忍聽

潼關渡河留別徐潤喬澗兩司馬興堪公子昆壽

余表兄泳淮余時有長沙之行

雲裏天雞唱重關趁曉開風沙連地捲山雨隔河來桃塞分亭障蒲津隱戍臺使君迎候遠賓從酒尊催別緒縈關柳離歌賦隴梅臨歧勞贈策呼渡笑浮杯采蕢經

雙白燕堂詩集卷五

三

汾曲攀蘭問楚材故人多節鉞謂左衛友撫部暨遊子柳橋易士兩按察尚蒿萊幸此占星聚知誰計日回夢猶迷白鹿白鹿坎在青柯下腸已斷斑雕傾蓋情難罄題襟句漸頽客中頻送客班馬此徘徊

樊橋行館

馬蹄得得度樊橋候館傳餐喜見招寒食風光兼上巳太行山色接中條花迎倦客猶回曆柳困征塵漸折腰振觸鄉愁聽不得數聲悽斷是錫觴

猗氏清明

歲華風物譜郵程一例簫聲喚賣錫馬上不知芳節過桃花開日是清明

臨汾行館次張船山侍御丁巳仲秋題壁韻

題壁陳倉快馬祖籠紗又見斷箋糊廿年入蜀魂何在
一曲橫汾和豈孤夔府宵烽閒戍卒堯祠春社走村巫
急觴遙酌張平子萬里橋邊宿草枯

附原作

雲外堂堂白日徂臨汾西望雨糝糊關河影裏鄉心
遠芻豆聲中客夢孤尚有妻孥依輦轂恐無戈馬
拔夔巫全家兩地衣如雪未表瀧岡淚已枯

雙白燕堂詩集卷五

十三

雙白燕堂詩卷第六 辛巳至癸未

武進陸耀通劭文

道中感懷寄呈季父合肥兼示燕豫子姪

阮道曾無南北分全家羈宦忽離羣一春又滯還鄉夢
十載空傳誓墓文燕外香泥寒食雨馬前清淚太行雲
羨他麥飯松楸路上塚歸來未夕曛

寄孫懷遠兼懷薛廬州周孝廉

宦途偏仄客程遙一載音塵又寂寥期我千秋呼負負
夢君三夜思迢迢薛華端暇歌詞老周處奇貧意氣消
親舍白雲無恙在幾時陽羨共團蕉 孫落職滯皖上太夫人僦居宜興

趙城道中

雙白燕堂詩卷六

一渠春水繞山齋一院柔條影到街紅杏牆頭初見蝶
綠楊橋畔乍聞蛙柔風嫋嫋生蘿帶膩雨微微溼笋鞋
自是江南好時節滯人芳思在天涯

霍州通濟橋鎮水鐵牛 并序

相傳唐初尉遲鄂公鑄以靖汾水者明萬厯中時見靈
怪復鑄鐵柱以鎖之

鄂國鞭牛鎮此橋又看題柱認前朝頑投景霍封猶古

靜鎖支祁水不驕拚海金鼇同負戴征蠻銅馬失騰驍

緬梁夾岸蒲津近可有開元鐵未銷 通鑑開元九年作蒲津橋鑄鐵爲牛

以擊滸江時鑄入牛夾岸以維浮梁

靈石韓侯嶺 并序

嶺在縣南二十里上有大家題漢淮陰侯墓相傳呂后
斬侯於未央宮函首至代高帝班師過此以禮葬之
窆石何靈紀漢封未央遺恨泣英雄從龍上將無雙士
得鹿中原第一功出胯有人嘲帶劍投身彼婦悟藏弓
傳疑祠墓千秋感松檟蕭蕭起夕風

并門逢同里孫少尹

遇清

卽題其又村圖卷子

行乞狀兼寫放翁
柳暗花明詩意

入門饑驅出門走我別孫郎卅年久并州相逢喜執手
尙說衛賓吾小友曾拓唐弓賦射雕會從燕市儕屠狗
五斗甯甘貼地腰三升已侈談天口我披又村圖更讀
又村記苦言生平不稱意殘杯冷炙多酸辛擊筑吹簫

雙白燕堂詩集卷六

二

恣遊戲偏仄羞緣捷徑通蒼茫幾灑窮途淚瞥然巖壑
春風開明霞萬樹琪花胎映花仙侶似相識興公賦裏
尋天台青衫爛破煙蓑倒襟袖裴雲曳如縞只有胡麻
不市恩青菁裹飯從君飽長鑱白柄求黃獨我欲相從
結林屋怪來仙犬吠生人不是劉晨是梅福

雨中登平定州署後湧雲樓

直疑海水挾蓬萊手撥濃陰上此臺疊嶂擁雲搖檻動
急湍追雨入城來一渠乍漲愁漂麥五月輕寒滯送梅
贏得清遊攜屐早看松昨到冠山隈

初伏

曉日三竿月一鉤拓窻人擁木棉裘長安熟客如相訊

初伏山城已似秋

橐筆從軍圖為張少府序題并序

張君字竹賓丹徒人嘉慶初客河南為完顏布政及田
總戎記室數載戎行得尉孟縣予從訪碑於孟北獲魏
武定齊天統天保諸石刻感其嗜古詩并及之

平生好文兼好武長鬣張郎氣如虎初從繡衣持繡斧

布政時以按察督餉復就南陽辟軍府總戎鎮南陽鄧宛上游過荆楚

十萬貔貅事防堵前營傳烽後鼙鼓倚馬飛書夜旁午

千軍橫掃筆最適此筆可橐不可投處囊借作前席籌

脫穎口與毛錐謀退鋒禿友功無讓縱不封侯亦清壯

弓衣密密織詩篇鏡吹喧喧製廣唱管城高築京觀多

雙白燕詩集卷六

三

栗尾洗趁松陰哦稍惜官閒長髀肉竹弧射鴨臨烏河
雄心棖觸披圖帙我未從戎亦籌筆訪古初逢榆棗關
搜奇競剔苔莓碣北齊東魏石不言摩崖誰足燕然匹

題湧雲樓即留別沈平定并序

平定依山為城州治基址既崇樓復當其最高處金大

安中刺史趙秉文撰記湧雲之名昉此元明以來為四

賢堂六賢堂最後為崇賢堂名屢更矣其在宋則為思

武堂大觀中知平定軍事高公純所建紀其先武烈王

瓊武穆王繼勳之績魯百能記世無傳者國朝道光

元年吾友沈君守是州日借憑眺得魯記斷碣於土中

相與校正正史方志之誤方極登臨觴詠之樂會江左

辟書送至沈君既爲之勸駕餞於茲樓懷古攄情輒成長句留題卽以錄別時十一月朔日也

天風吹落寒山雲雲中百雉圍重闌山高城高雲不分
峩峩更戴飛樓尊繚雲作郭山作陘塵闐萬瓦排鱗鱗
晨炊乍起夕燒熏間以山霧瀰氤氳有時淨宇不動塵
初昇杲杲餘斜曛白月三五爛若銀影逼河漢疑無津
有時凍雨來傾盆百道瀑漲萬馬奔急注一一穿城垠
勢似劈峽爭河濬憑軒搖撼不及眴此州天險古所云
南指臯落諸戎屯東出陘口旗鼓振韓侯試劍峯嶙峋
西合餘燼馳劉琨二十萬衆趨橫汾唐季北鎮承天軍
伯成誤記譌爲謹州東北八十五里爲唐承天軍城嚴

雙白燕巢集卷六

四

疆四塞眞天門舊時戰壘今耕耘榆關戍卒閒守闔送
逆車騎聲麟麟名此樓者趙秉文懷古之作重磨珉方
志採葉遺本根未數北宋高公純我求殘碣披荒榛四
朝軼事能具陳思武始建崇賢新東陽刺史何彬彬相
與討論多諮詢百回登陟不知頻攜觴點筆陶佳辰繡
衣使者士行孫題雲新句粘飛振陶布政謝按察風雅
輝映金元均羣公保釐俗益淳絃誦聲徹無朝昏樓下
壘我樂茲土願卜鄰岸憤兀傲從邦君翹車忽促慚蒲

輪樓雲戀我難離羣矧我樓上同心人今日軒檻開清
樽曩遊歷歷辭諳諳欲飲不飲顏不温欲別未別心如
勢已爲吾友留兼旬同雲釀寒雪霰霧樓前班馬放駢

駢行別我友歸江濱樓高上可星斗捫出處不負天監
存我語我友雲應聞君弗投轄如陳遵亦弗追送如汪
倫當樓大道連郊吟登樓已見前騎巡征人回首車邊
遂天半樓角明朝暎

十一月二日自平定東歸禮田偕三原王平軒孝

廉治上元王景沂建會無爲黃靜甫世安兩文學

崔生曾益送至石門題名北齊碑下圖詠志別夕

宿槐樹堡次韻寄酬

秦山晉水恣探幽一片閒雲幾處留夢裏歸帆通五瀉
望中小築署三休傷離黯黯圍官燭勸駕翹翹愧客輒
一例驪歌裁白雪初程少駐若爲酬

雙白燕書集卷六

五

絕壁留題共翦荆冰銜誰似使君清猪肝分餉常多累
鴻爪粘泥又遠行下澤南轅歸豈得名山東絹事何成
自崖人返征人住第一郵籤此別情

井陘道中再寄平定諸君子

忽枉弓招促此行衰遲愧說棄繻生雞號關月寒無影
馬踏河冰溜有聲窟室鑿坏防歲冷堠亭傳柝驗時清
今宵題壁君知否出四天門第一程
凍雲冪冪亂峯閒一騎穿雲過固關九域通郵途竿確
八陘險塞磴灣環論兵欲問韓侯壘讀碣曾題介女山
馬後嚴風馬前雪故人可羨壯遊還

次子誠應迎至柏鄉因遣輿僕西旋復寄沈平定

兒曹已至柏鄉迎輿衛無煩更遠行能識我貧惟鮑子
不因人熱愧梁生石麟摩頂音須早玉象真容拓要精
從此故人天末望朔風日數雁南征

自柏鄉至平鄉

趙北纔澆土燕南又訪碑高臺龍母廟古驛馬王祠一
舍經三邑重闡達九遠川原饒衍沃曷弗課農師

抵平鄉示誠應

捧檄欣然說宦遊安輿小駐古沙邱頑孫索笑常投抱
幼婦烹鮮解薦羞衰謝稍驚霜點鬢團圓難得月當頭
卑棲莫謂才浮任學尙無成仕豈優
意取和民命汝誠務除乖厲義尤嚴庭多善氣烏相哺

雙白燕堂詩集卷六

六

環報慈恩雀亦銜祇合折腰承五斗豈容侈口味三緘
數行凍墨書紳記留作箴銘作史監

示誠應婦楊

蘆簾紙閣靜荆扉井井家規見頗稀女謁任沿鄉俗例
平俗上元節領城婦女入內衙展謁官貧猶著嫁時衣素娥蟾桂緘瑤札

紅女蠶桑費錦機弋雁九熊宜並勗暫違定省莫依依

蔡平鄉

元禧

署中晤富順倪秀才

振鏞

卽題其東

堂詩稿

燕南趙北駐遊驄一輩詞人屬寓公司馬高文傳蜀道

季鷹歸思感秋風舊山遠夢青天上今雨聯吟白雪中

合與江梅鬪標格嫩寒香影寫空濛

稿中有梅
花百詠

臨城遇雪同伍松文大令

家榕作

燈影鈴聲路忽叉，昨分曉色凍雲遮。
踰糜任浣荒郵壁，款段思尋下澤車。
響急簷篷知雪稷，寒摹油幕看風花。
漫漫一白渾無際，誰潑疏林點墨鴉。

千里同雲逼歲闌，歸岑出岫總無端。
陰連淮北山如睡，路近江南雪不寒。
下馬便呼傾魯酒，攀輶頗厭賣齊紈。
數車家具兼書籠，驂祿無人識宰官。

題吳表姪

文曜

小照兼呈敬亭外兄

君行負米予析薪，卅年未得同榆枌。
別時少年見俱老，征衣緇化憐風塵。
展圖示我壽者相，乍見疑是君家尊。
頻年久作齊魯客，累世能悉盧劉親。
圖中邱壑舊遊釣

雙白燕詩集卷六

七

更喜松鬣添龍鱗，故家喬木易零落。
植此嘉樹何欣欣，羨君五十尙娉侍。
循陔清蔭垂蒼雲，懸知大年可左券。
南橋北梓同莊椿

贈張麗坡游戎卽題其家慶圖障子

節鼓清笳日綸巾，羽扇風丹青傳手。
跡朱紫策膚功拭，匡千金劍題衣五石弓。
籍咸交誼篤，酪酏狎山公。

麗坡先與

叔父訂交

開徑迎裘帶，荒園射圃旁。
比鄰圍細柳，留芟愛甘棠。
紙借書連屋，杯傳酒過牆。
忘形復忘分，褒博日升堂。
闔外推門內，英聲德望均。
詩篇權僕射，禮法郝夫人。
南澗蒼筐潔，東廂竹屋新。
青綾施步障，每與晰紛綸。

濟美佳公子翩翩迴出羣通門自繩武弱冠已能文試
賭紫羅佩教書白練裙麟渠雄筆陣頗足張吾軍

嬌女原推左才名豈亞思紉蘭多妙製銘菊擅清辭小
字題花葉生綉寫竹枝元亭勞俠拜疏拙愧爲師

官閣過從密軍門禮數寬浮瓜談夏課翦韭語春盤庭
誥徵和順戎韜表治安披圖紀家慶奚止頌桓桓

德清小住留別黃延甫表弟昌慈時姑母就養

捧檄依然侍膝前對床相慰鎮相憐乘風烏榜程三宿
話雨青門夢十年射鴨新詞傳眾口九熊舊事記羞肩
縫衣已做翹車促愧我衰遲負母賢

夾岸稠桑蔭雨餘蒼南百里奉安輿貧無以養斯干祿

雙白燕堂詩集卷六

八

仕豈能優且讀書旁午頻聞叨吏最延甫屢以緝捕紀績添丁行
見博親娛恩愬莫下臨歧淚遲我湖邊策蹇驢

沈湘農太令芝田招飲詩以贈之

雙槩茗南偶問津興歌爭誦長官清久同枌社知名早
乍洽蒼岑結契真古澤槃盂搜夏甲舊溪花竹憶春申
琴尊留客清無暑益信交君似飲醕

綠莎新掃碧筒香暫泊蘭橈卽命觴坐客例應從北海
詞臣今果屬東陽披帷喜薦金萱頌太夫人下筆驚看

玉筍行謂觀亭溪抱長虹泉半月清名合領水雲鄉

自德清歸常州舟行清適頗愜水鄉之趣隨程卽

景感事攄懷得詩九首

新漲潺潺水拍隄趁涼小舸出清溪孤帆飽挂薰風北
兩槳飛追曉月西蓮底鴛鴦同夢宿竹間絡緯盡情啼
浮生勞逸渾無準不信蒙莊物論齊

觸熱輪蹄久倦遊江鄉今喜駕輕舟涵波細荇平如掌
經雨稠桑放出頭筒可貯醪青葉滿瓜多繫艦綠皮浮

五湖舊約應無負招我同盟卅六鷗

小港斜通路幾條采蓮歸近采菱遙地連吳越民多秀

邑領湖山俗易饒轉棹正逢迎面雨側篷低過畫眉橋

一程一幅江村景來去臨摹夏已銷

空白琉璃淡碧羅平江八百屬官河臨溪酒閣搖帘桁

載月漁榔理櫂歌柳岸桔槔牛引水蒲塘略約鷺衝波

雙白燕詩集卷六

九

柁樓飽飯閒無那擬課樵青織綠叢

獨尋雙樹證聞思憐我津梁憊不支廿載題襟方外友

數行籠壁定中詩空花著手春猶滿宿草驚心夢豈知

賴是遠公除結習又來蓮社話多時訪一杉上人於吳門湧蓮菴因追悼

錢魯思素園李鹿耕楊齋
開尙文趙子述諸先友

天邊旌節過郊垌津鼓喧傳畫鷁停百雉牆低環澗碧

九龍山好隔煙青隨軺快浥新膏雨傾蓋爭看舊使星

相揖不嫌逢戴笠淹留竟日水心亭果亭中承左遷浙
江布政遇於無錫

道中憩皇
甫墩敘別

玉局清詞興豈孤更披漁隱孟端圖閒情繫磻宜藤紙

古物摩挲到竹壚入鼎石泉曾試月過橋澗水欲通湖

枯香漠漠芙蓉死零落梁溪舊釣徒借管孝逸遊惠山憶揚蓉裳戶部劉

芙初編修

泛宅煙波斷此生筆床茶竈任縱橫列窻遠岫冥濛色

欵枕柔潮欵乃聲笋鱖春盤花外賞尊鱸秋舫鏡中行

東頭竹篠牽舟任先達何須薦士衡

猿鶴聞微笑已講強扶羸疾起煙霞十年麤葺三間室

五處遙分八口家中落久憐門祚薄下材終負國恩加障塵儘製元規扇肯為閒箋費碧紗

十一月再至湖上讀蔣希甫按經夔詩卷題贈

偶逢戴笠語歧途同是盟鷗舊釣徒客願為雲逐東野

官真如水稱西湖一家移近蓬萊住二頃聞荒橘柚租

雙白燕堂詩集卷六

十

我欲從君商出處弓車待發鎮脚蹩

吳按察荷屋先生榮光關中舊雨也自閩移浙兼

權布政投詩四首

望塵西笑托新知畫戟香清語雨時昨聽閩山歌肺石

又傳越水駐牙旗追攀快慰雲龍想久別依然海鶴姿

不負此行飛雪棹繡衣襟上一題詩

旬宣廉問本兼長蘇白隄添蔽芾棠萬井萬家交口頌

一官一集等身量憐才惟恐藏人善略分真能恕客狂

衆裏獨深知已感豈徒政事與文章

會隨絳節浙西東更闢龍門一刺通向從阮芸臺官保視學至此今二十

矣

潤比甘膏豐歲雪勤兼吐握大臣風為搜古碣傳

賢媛屢枉高軒訪寓公三載紫雲藏篋底下交情已石

交同

嘗獲唐涇王妃韋氏志石奉貽蒙以燕研見昇

早參籌筆謝求賢

謂獻章佳總統釋堂先生戎幕

老驥何能更著鞭苦

被虛名增實累便叨特達愧衰年曩傾石墨貧如洗書

枕溪堂卧已堅差喜湖山新得主南枝香裏上吟箋

十五夜梁溪舟中寄草堂諸子

櫂歌聲裏片帆開月地冰天鼓柁回遠水空明寒似雪

盤塘凍激轉如雷還山愧讀求賢

詔懷土愁無避債臺賴是故人饒悵望又增別緒一銜

杯

十六日早起疊前韻再寄

雙白燕詩集卷八

十一

第二泉邊凍已開翩翩五兩趁風回品茶曾憶攜圓月

倚酒惟應譜忽雷東野驚心春草路西州彈淚曙華臺

來朝準跨南飛鶴同與坡仙酌一杯

曙華臺洪北江先生所築與傲廬相

聖臺前為卷施閣同人嘗於此修東坡生日之祀

予還家度歲仍赴武林時仲英之官瓊州曾容之

官羅次兼旬小住萬里分攜思之憮然再疊前韻

枝北枝南一半開花前能得幾徘徊田禾澤少三冬雪

爆竹聲喧百里雷惜別且消人日酒釣名肯築客星臺

暫遊萬里恩恩甚珍重臨歧是此杯

汪君

字瞻

觀瀑圖為畢處士

崧所作

我昔觀瀑遊浙東石門石梁飛玉龍龍湫百丈更奇絕

天半練落雲溟濛歸來偶向汪倫說夢裏冰簾劃巖壁
江東能事推畢宏放筆爲君圖水石豈惟善畫畫有神
兼寫君貌傳君眞還君之圖與君別桃花潭水深千尺

遊湖州城南諸山呈方蓮舫太守士淦并序

道光三年三月廿有一日方湖州屬其族子月川明經

璧城導遊城南諸勝因偕孫秋水儀曹日熙周梅坪秀

才思兼自碧瀾堂汎舟歷金蓋憩雲巢登道場絕頂下

至歸雲菴經孫太初墓下回舟泊峴山訪逸老堂遺址

觀左相石尊卽事紀遊成長句三十四韻

吳興太守真好古用東坡句好客好遊亦無伍投轄同搜墨

妙遺下車先訂山經補時訪拓唐石幢並刻金井洞志稍嫌治劇官未

雙白燕集卷六 三

閒昨者校文今閱武愛山臺對終南山螺髻蛾眉指堪

數擬陪驄馬恣歡賞清暇罕逢佳約阻幽尋恐失風日

美狂客招攜勇先賈攀巖遠嘯逢孫登踏浪豪吟見周

處更喜君家泊宅翁導客熟於東道主謂月川明經宋方勺居烏程自

號泊宅翁主人不遊助遊興爲具輕篔駕柔艣穿林詰曲行

廚來玉版銀刀侑清酌碧瀾堂下抽蒲帆桃花漲添尺

四五湖陂盤盤繞金蓋山麓山椒達山隴山樓宿雲雲

作巢綠雲如吞白雲吐隨雲北折凌雲峯身在雲中衆

山俯具區三萬六千頃雲水空濛界吳楚望湖亭圮塔

孤峙塔影直當日卓午塔前古榦矯天半與塔競高劈

雷斧虬枝十畝倒清蔭跌憩童童若堂廡山僧指點所

來徑隱約籠雲巖伏虎下方選佛開廣場不辨旛幢辨
魚鼓入門潺湲弄瑤席石鼎汲泉燒葉煮山雲漸歸客
亦歸習習清風腋生羽松濤響落雲冥冥太白山人復
何許尙餘何楷讀書山咫尺斜陽隔煙莽籃輿出谷舫
翦波十里茗溪箭離弩郭門人望篙忽停商略峴山開
別圃同遊酒人興不淺鯨吸窪尊伏而鹽行燈絡繹催
客回衫笠飄雲墮城府酣呼亟詣太守說頗類桃源舊
漁父或宜摩崖或題榻或可構堂或結宇幸公修廢追
顏蘇天以名山隸公部公雖雅遜已神王勝事行誇後
先舉詰朝邀我龍洞遊高弁蒼蒼聽天語龍君畏客尼
客行夜半驅雲拔山雨

雙白燕掌詩集卷六

三

爲周梅坪題畫

日日登臨不厭頻又來畫裏寫清真南朝勝地君知否
山似烏菱水白蘋

索綽羅公子

巴哈布

叢桂讀書圖

小山花發恣幽探花裏吟聲我最諳羨爾鑿楹三萬卷
陔南佳日勝淮南

桂華詞意譜蟾娥記取瑤林第一歌他日柯亭更棠棣
的知嘉蔭爲君多

香垞琴停卷未收晴窻點檢劇宜秋月中金粟前身是

難得吳剛著意修

時請業於子律進士

蓬巒花竹記前塵詠史譚經著等身二十五年東閣客

又看一輩讀書人

嘉慶戊午謝蘇潭師開滿兩浙嘗從文謙時公子蕉石觀察尙就傳也

荷屋先生擢藩黔筑自杭入

觀敦勸應徵同發

因次述別原韻奉呈四首

官梅傳驛數星郵岳伯朝正上

帝州閭里撫綏勤白傅文章捷敏過崔侯冰融澗水積

初暖雪點吳山麥有秋斷鐙卧轅公灑涕臨歧何止感

從遊

萬家衽席待公躋謳頌同聲遍浙西

杭嘉湖三郡大府奏公留署浙

藩以籌賑卹

追送直疑傾澤國擁行眞悵隔雲泥碑題柏府

傳廉問

時撰書浙江按察使題名碑記碣刷苔封訪會稽訪拓會稽烏石村漢建初元年摩崖題字金珍重數行燕許筆手箋水利勒雙隄

石家從未著錄者

雙白燕堂詩集卷六

十四

方議瀛西湖

親探學海障迴瀾炙硯能消九九寒小聚客星開健會

略添今雨話長安

子以庚辰歲識公於西安今朱虛舟撫部僑居仁和陳厚甫觀察權兩浙

都轉時有宴集皆關中舊雨也騎聯驂篠迎何遠馴致牂柯政不難計

日金章回玉節紫虛山秀弗多餐

青門帳飲注離杯又掣風帆越水隈騶從儘容陪後乘

鶴書頻辟愧翹才柳當別路依依往蓉戀秋江緩緩開

祇祝東南移幕府肯容席帽帶雲來

